

清河縣志卷之一

輿地志

商之置縣尚矣勃於漢淫沃於魏晉滴河於隋唐
越宋而許商治河之名始著謂非古歟雖然星紀
虛危地闊無棣川澤思大禹之功侯服昭漢家之
制風俗淳漓物產盈縮不有區畫之南東其歟奚
以疆理也王者量地制邑有土斯有人體國經野
不當奉

早輿而固封守哉志輿地

星野

周禮保章氏以星野辨九州之土所封封域皆有分星以觀妖祥註云十二次分星元枵齊也

漢書天文志虛危青州

北斗七星虞書所謂璇璣玉衡以齊七政疏曰夜半建者衡衡殷中州河濟之間平旦建者魁魁海岱以東北也

漢書地理志齊地虛危之分野也北有千乘清河以南渤海之高樂高城重合陽信西有濟南平原

皆齊分也

後漢天文志璇璣者謂北極星玉衡者謂斗九星
其第五星主兖州常以五辰日候之

月令章句自須女一度至危十度謂之元枵之次
小寒大寒居之齊之分野

史記天官書燕齊之疆候在辰星占於虛危又角
亢氏兖州虛危青州

晉書天文志自須女八度至危十五度爲元枵於

辰在子齊之分野屬青州

費直起女六度
蔡邕起女二度

虛危

齊青州齊入虛六度北海入虛九度濟南入危一
度樂安入危四度東萊入危九度平原入危十一
度淄川入危十四度

按州郡躔次陳卓范蠡鬼谷子張良諸葛亮譙
周京房張衡說同

唐書天文志須女虛危元枵也初須女五度餘二
千三百七十四秒四十分虛九度終危十一度其
分野自濟北東踰濟水涉平原陰至於山莊循岱岳
衆山之陰東南及高密又東盡萊夷之地得漢北

海千乘淄川濟南齊郡及平原渤海九河故道之
南濱於碣石古齊紀祝淳于萊譚寒及斟潁有過
有鬲蒲姑氏之國其地得阪訾下流自濟東達於
河外故其象著爲天津絕雲漢之陽凡司人之星
與郡臣之錄皆主虛危故岱宗爲十二諸侯受命
府又下流得婺女當九河末派比於星紀與吳越
同占

唐書地理志河南道蓋古豫兗青徐之域青淄密
登萊齊棣爲元枵分

宋史天文志天市垣二十二星在房心側東西各十一星其東垣第四曰東海七曰齊九曰九河
虛宿二星爲虛堂

按漢永元銅儀以虛爲十度唐開元游儀同舊
去極百四度今百一度景祐測驗距南星去極
百三度在赤道外十二度

危宿三星在天津東南

按漢永元銅儀以危爲十六度唐開元游儀十
七度舊去極九十七度距南星去極九十八度

赤道外七度

明史天文志濟南府樂安德濱三州皆危分

按商河實齊地考漢書地理志爲勃縣涇沃縣
勃屬平原郡入危十度涇沃屬千乘郡入危四
度天官書圖云燕齊點於虛危眉山蘇氏分星
總圖齊分女虛危三宿次爲元枹

春秋緯文耀鉤三河雷澤至海岱以北兗州青州
屬機星

石氏星經北斗七星七曰攝光主齊

帝王世紀自婺女八度至危十六度曰元枵之次
一名天黿於辰在子謂之困敦於律爲大呂斗建
在丑今齊分野

象緯考五車星其次舍在畢宿之旁東北一星曰
天嶽主辰星燕趙也東南一星曰天倉主歲星魯
衛也 十二國有十六星其次舍在牛女之下齊
一星在九坎之東

星經歲星主泰山徐州青州兗州

山東通志按星野之說先儒謂古者受封之曰歲

星所在之辰國卽屬焉其說本之國語至唐釋一行則以天下河山之象存乎兩戒謂星土以精相屬而不物於方隅蓋取太史公占街南街北之說而推廣之十二分次聯絡融貫較諸家所說尤爲精當

陸氏隴其曰分野之說賈公彥謂古者受封之日歲星所在之辰僧一行謂是山河之首尾與雲漢之升降相應論者往往疑其不同余以爲二說一也賈公彥言其流僧一行推其原而已惟山河與

雲漢旁之列宿相應故歲星在其地則受封雖千百世皆如是占可也

胡氏德琳曰分野之說世或疑之就東省論則如
釋史云虛危在北齊表東海降婁實西魯宅曲阜
此其位次與地不相協者又博雅云在天一度統
地三千九百三十二里今山東全屬惟青萊登距
省最遠然相去不過千里極東之與西南之與北
僅在一二千里內而州郡躔次以濟南郡入危一

度千乘郡入危四度平原郡入危十一度何千數

百里內而相差若是以濟陽言之其在濟南里數
九十自應入危一度然苟移隸於千乘平原不又
將移作四度十一度耶且如舊論山東一省已占
危之一度四度十一度而東西南朔之爲外國者
不知凡幾豈不統於天而無星之可分乎此說之
不可通者矣然竟等謬悠之論則古今占驗有危
歷不爽者又何以說是知天文微渺難言管窺之
見烏能仰測惟以勸民者敬天自可制製造化御
或妖祲見野亦將轉咎爲祥是野之首列夫國欽

若之文

沿革

唐虞兗州之域

夏殷兗州地

按李休武郡分星考云星經至漢已亡保章氏
分星已不可考其可言者惟十二次之分康成
據之以註周禮吾以爲天道遠而地道邇欲知
分野者先辨疆域可矣武郡舊屬於齊以左傳
言齊之賜履有南至穆陵北至無棣之說遂以
武郡爲青州之域而不知武郡非青州乃兗州

也書曰濟河惟兗州傳曰兗州之城東南據濟西北距河夫兗州之西北不距河所謂河者乃古九河也九河大半閼塞今之博德滄棣等州卽古兗州之地也又按地理釋今之說以爲青州之城自青州以東越海直抵遼水以至樂浪三韓之地爲其東境西自濟南歷城章邱鄒平長山以至高苑博興樂安皆青州之西境又云兗州之城今直隸之大名山東之東昌及濟南青州二府東北境夫二府之東北境卽武郡也

自博興以西德州以東盡爲武郡之地則武郡之屬兗州斷斷如矣

周爲齊麥邱邑

按水經注麥邱愚公在齊川谷猶傳其名不在魯又史記趙文王十九年趙奢將兵攻齊麥邱邑取之

秦齊郡地

前漢爲平原郡之勃縣千乘郡之涇沃縣後漢廢爲勃鄉

按霑化縣志後漢改涇沃爲涇陰屬平原郡風俗通曰涇陰在涇水之南故城在齊州臨邑縣西也

三國隸魏後復置涇沃縣屬樂陵郡

晉涇沃縣屬樂陵國

南北朝宋涇沃縣屬樂陵郡元魏因之後齊又廢

溝置滴河縣

商加水作滴至宋仍作商

按開皇十六年於勃故城置滴河縣以漢鴻嘉

四年邑患水溢都尉許商鑿河決水注海民賴

以安遂以名河示弗忘其德也兼有濕沃縣
屬棣州大業初改屬渤海郡

唐屬棣州

按武德四年屬棣州八年州廢縣屬滄州貞觀
元年改屬德州十七年復置棣州於厭次滴河
屬焉天寶間改棣州爲樂安郡縣屬如故

五代因之

宋爲商河縣屬棣州

金因之